

French's Calidad Superior

French's Pa tur saas

French's Calidad na bo meša

French's Pa tur cuminda

French's Sabroso

CABARON STOBA

di Margo Kelly - Noord 42

- 1 liber di cabaron, fresco of di paki
- 4 cuchara grandi di juice di lamoenchi salo y peper na smaak
- 1 webo bati
- 2 cuchara grandi di lechi
- 1 kopi di paneermeele

Cushina of sea laga e cabaron herbe. Ora cu e ta cla, nos ta strooi salo y peper ariba dje. Bati e webo y pone e lechi den dje. Pasa e cabaronnan den dje y despues pasanan den paneermeele y ponenan hasa den azeta dushi. Ora cu nan ta cla nos por come nan como toast of cu aroz. Traha e saas cu bo ta gusta y pone ariba nan.

HIGRA STOBA

Gerrit Zijlstra - Berenheinstraat 2

- 1 liber di higra
- 2 siboyo corta chiquito
- 2 promenton corta chiquito
- 1 cuchara di manteca
- 1 cup di awa
- 1 bleki di tomati chiquito
- salo, nutmeg, whitepepper, garlic powder
- 2 batata

Laba e higra y lagele pa 10 minuut. Prepara cu salo y lamoenchi. Despues bo ta herbele pa 5 minuut y caba cor-tele na bloki. Hasa bo siboyo, promenton, tomati den em manteca, pone hunto un poco maggy, garlic, nutmeg, white pepper y tambe e higra bira moli. Na ultimo bo ta pone bo cup di awa y bo batatanan aden y atrobe laganan smoor pa 10 minuut y bo higra ta cla. E por worde sirbie cu aroz.

BOLO DI FRIGIDAIRE

di Ingrid Medina - S.P. 9

- 1 bleki di peach slice mediano
- 3 paki buscuchi lange vingers (36)
- 1 botter di anis (liquido)
- 1 boter di cherry (corta chiquito)
- 1 bleki anasa crush mediano
- 2 paki 226 gram manteca sin salo
- 1 botter di vanilia Rogers
- 5 blanco di webo
- 400 gr. di sucu
- 1 lamoenchi berde pa raspa su casca

Raspa e sucu for di e buscuchi y pasa e buscuchi despues den anis cu stroopi cherry. Corta e cherrynan y bruhanan cu e anasa pa tira despues den crema. Bati sucu cu manteca 10 min. despues tira vanilia. Bati blanco di 5 webo apart despues bruhe cu e sucu y manteca. Bruha tur cos, cherry cu e anis, peach, tambe den e crema y raspa e lamoenchi aden tambe. Tur cos ta bati den un comchi (pyrex) nos ta pone e buscuchi despues crema, buscuchi, crema. Despues pone den frigidaire, den freezer pa 2 ora. E resto di crema nos ta pone abao den frigidaire. Despues di 2 ora ta sacanan. Bolter e bolo den un tree y smeer e resto di crema ariba. (Locual tabata abao a bin ariba) y na banda si mester bo por dome cu cherry mitar y full. Despues pone abao den frigidaire.

Director di aeropuerto no ta na altura di e sucedido Caso prohibicion di miembronan di prensa na aeropuerto bao investigacion

ORANJESTAD(AAN) -- DIARIO a ricibi copia di un telex cu director di matutino Corant a manda pa Ministro Elio Nicolaas caminda e ta condena e hecho cu su reportero fotografo a ser saca for e sala di salida.

Mester menciona cu den e caso aki tambe reportero fotografo di DIARIO tabata envolvi. E telex ta bisa lo siguiente.

"Diabierna 6 di April, nos reportero fotografo haciendo su trabao periodistico a worde saca for vertrekhal di aeropuerto Reina Beatrix, aunque e tabata tin su badge oficial otorga pa autoridad di aeropuerto.

Unico splicacion duna ta cu na e momento ey, via orden haya di mas halto, e badge no tin valor

mas. Tambe a nenga di duna justificacion, obstruyendo y dificultando asina nos labor.

Mescos a socede tambe cu reporteronan di otro medianan. Nos ta protesta energicamente e trata injustifica y irrespetoso duna. Nos ta puntra nos mes:

1. Ta kico tabata tin di sconde cu no tabata kier pa pueblo haya sa?

2. Ki valor y seriedad por duna na e badge cu autoridad di aeropuerto ta otorga na prensa?

No ta promer biaha cu ta perjudica prensa den su trabao na aeropuerto".

DIARIO tambe a ricibi copia di e fax cu director di aeropuerto internacional Reina Beatrix, Michael Nicolaas, a manda pa

director di Corant caminda e ta bisa cu lo bay haci un investigacion profundo den e caso aki.

E fax ta bisa: "Mi ta confirma recibo di su telex conteniendo un keho encuanto prohibicion di un of mas miembro di prensa, di por a drenta den sala di salida na nos aeropuerto riba Diabierna ultimo.

E sucedido manera raporta na mi den telex, lo worde investiga debidamente y lo mi informa di e resultado di dicho investigacion, tan pronto esaki ta conoci pa mi.

Sea informa cu di parti di gerencia di aeropuerto, nos lo coopera semper cu prensa, pa asina por garantiza un servicio optimal na pueblo".

Profesor Sijben na Universidad di Aruba

ORANJESTAD(AAN)- Dia 12 di April venidero profesor J.J. Sijben lo tene un charla den aula di Universidad di Aruba, cu lo tin como tema "Inovacionnan financiero ariba mercado di capital internacional y maneho monetario".

Dunamento di credito y inovacionnan den esaki.

Dunamento di credito door di instancianan financiero ta hunga

un papel importante den economia. Ta sumamente importante sin embargo cu dunamento di credito no core mucho riesgo. Si por ehemplo banconan haya nan mes den problema pa motibo di un mal maneho di dunamento di credito, e esaki a afecta henter e economia.

Loke a socede recientemente na Merca cu e viviendanan di

"Saving and Loan" ta un ehempel palpable di esaki. Instancianan financiero a introduci algun inovacion riba mercado di capital internacional, manera junkbonds, swaps, opties, etc. cu a haci control ariba credito basta dificil.

Control di e magnitud di credito ta forma un aspecto importante di e maneho monetario. E desaroyoan aki ta haci cooperacion internacional entre banconan central necesario.

Teoria y practica. Profesor Sijben lo ilustra algun di e inovacionnan cu ehempelnan di practica, ki sorto di complicacion nan ta ocasiona y con por haci e maneho monetario mas efectivo door di cooperacion internacional.

Dr. Sijben ta profesor den credito-financiero y sistema di banco na Universidad Catolico di Brabant, na Hulanda. E ta tambe docente na e instituto pa cursonan post-doctorado pa maneho financiero-economico.

na 1979 el a publica e buki "Rational Expectations and Monetary Policy". E buki aki a worde traduci na Spaño na 1984. Na 1988 a worde publica e buki "Financing the World Economies in the 90's" di cual e ta co-autor.

Tur interesa ta worde invita pa e charla di profesor Sijben pa asina haya un mihor bista ariba e sistema financiero internacional. Entrada ta gratis y e charla ta cuminda pa 8'or.

**TA BUSCA PA CUMPRÁ
VERGUNNING
pa importa remedi
Favor yama Tel.28338**

**Calypso
BATHING-SUIT**

Enorme seleccion pa homber,
pa damas y mucha

Prome na CALYPSO pa e mihor prijs!
Nos style ta unico!!

AWE NOS TA HAYA CARGAMENTO NOBO

JOB OPPORTUNITY
We are taking application for instrument men
and electrician
for the erection of the new water plant
Call 22188 and ask for Mr H. Oduber.

kamerlingh onnesstraat 34 --
tearasa n.v.

fax: 26655